

Amino Acids Metabolism (2)

السلام عليكم ورحمة الله وبركاته.. بسم الله الرحمن الرحيم

بدأنا الكلام عن ال serine المرة اللي فاتت، وقلنا إنه **nonessential**، إزاي ممكن نعمله؟ يا إما من ال 3- **phosphoglycerate** اللي جاي من **glycolysis** أو من ال **glycine** بال **Serine Hydroxymethyl Transferase**. ده يوريني إنه **glucogenic**؛ ليه؟ لأنه by deamination يتحول إلى pyruvate. ال deamination بيحصل عن طريق ال **Serine Dehydratase**، وده يحتاج ل PLP as coenzyme.

ال serine مهم للبروتين في حاجتين: 1- بيحصل عليه **glycosylation** يعني يشبك فيه carbohydrate. 2- وبيحصل عليه كمان **phosphorylation** وده بيعمل regulation of enzyme activity.

بالنسبة ل reaction ال **Serine hydroxymethyl transferase**، أول كاربونتين في ال serine يعملولي **glycine**. ويتفضل الكاربونة نمرة 3 اللي هي ال β carbon، دي هتروح لل FH_4 tetrahydrofolate وتعمل **one carbon methylene tetrahydrofolate** ($\text{CH}_2=\text{FH}_4$) وبكده ال serine يعتبر من أهم مصادر ال **unit** اللي هندرسها بالتفصيل بعدين. يتفضل إيه من ال β carbon؟ ال OH ودي هتعمللي water.

وده اللي إحنا قلناه المرة اللي فاتت..

هنكمل عليه شوية كلام كمان، اللي هو إيه؟

إن ال serine ممكن يتفاعل مع ال **homocysteine** اللي جاي من ال methionine - لو شلنا ال methyl group (CH_3) من ال methionine يتفضل **homocysteine** - ويشبكوا مع بعض ونشيل H من ال **homocysteine** و OH من ال serine يعني نشيل water ونبني مركب عبارة عن الاتنين شابكين في بعض عن طريق ال S of homocysteine؛ اللي هو **cystathionine**. ال enzyme هنا اسمه **Cystathionine Synthase** وده زي ما قلنا بيشتيل H_2O ويحتاج إلى PLP "Pyridoxal phosphate" اللي بيحتوي على **vitamin B₆**، اسمه إيه **vit B₆**؟ **Pyridoxine**.

بعد ما بنينا **cystathionine** هنكسره بإضافة المياه ويطلعي **cysteine** و **homoserine**. وهنا بأستعمل enzyme تاني اسمه **cyathionase** اللي بيحتاج برودو PLP.

طب من ال reaction ده نستنتج إيه؟ أولاً إن ال **cysteine is nonessential** لأننا عملناه في جسمنا من ال serine وال **homocysteine**، بس فيه شرط: **إن ال methionine يبقى available** ومن غيره ال **cysteine becomes essential**. ليه بقي؟ ال methionine بيدي إيه لل cysteine؟ ال sulfur. وفيه شرطين كمان: **إن يبقى عندي vit. B6 ويكون فيه ال 2 enzymes: Cystathionine synthase و Cystathionase**.

طيب مين اللي عمل ال carbon skeleton of cysteine؟ ال serine. إنما ال methionine بعد ما تحول ل **homocysteine** إداني إيه؟ ال sulfur only.

طيب سمعنا عن ال serine في إيه كمان؟ إنه ممكن يتعمله **decarboxylation** ويديني **ethanolamine** بال **serine decarboxylase** اللي بيحتاج برودو PLP ويشيل CO_2 ويتفضل H من ال carboxyl group تروح لل α carbon وتعمللي CH_2 والمركب ده سميناه **ethanolamine**. طب ال ethanolamine لو ضيفنا له 3 methyl groups على ال nitrogen بتاعه أصبح الناتج **choline**. فال choline عبارة عن

VISIT...

LANZAROTE
Caliente.COM

trimethylethanolamine. نجيب منين ال 3CH_3 دول؟ من ال S-adenosyl methionine (SAM) اللي هو ال active methionine، فلما نشيل منه methyl group يتفضل S-adenosyl homocysteine (SAH). وطبعا محتاجينه 3 مرات عشان محتاجين 3 methyl groups. وال enzyme اللي بنحتاجه هنا اسمه methyltransferase.

طيب ال choline ده لو عملنا له oxidation ال alcohol group يدني aldehyde ثم carboxyl ويبقى الناتج بتاعي إيه؟ Glycine Betaine. **يبقى ناخذ بالننا إن ال glycine bataine مش ببيجي من ال glycine لأ ده ببيجي من ال serine بس لازم الأول نحوله ل ethanolamine ثم choline وبعدين نأكسد ال choline.** خدوا بالكو من دي. ال methyl group بتاعته دي ممكن تروح ل homocysteine تحوله إلى methionine. It can regenerate methyl group of methionine. لما نشيل ال methyl group من ال glycine betaine يتفضل Dimethyl glycine.

طب نعرف إيه غير كده عن ال serine؟ إن ال serine زي ما أخذنا زمان في ال lipid metabolism مع ال palmitoyl co-A يعمل sphingosine.

ال ethanolamine وال choline وال sphingosine وال serine كلهم بيشاركوا في عمل ال phospholipids بالإضافة ال shingosine بيشارك في ال glycolipids.

ويبقى كده خلصنا كلام عن ال serine.

ننتقل إلى ال glycine..

Glycine is a **nonessential** amino acid. نظريا ممكن يتعمل ب 3 طرق، إنما عمليا أهم طريقة من ال serine hydroxymethyl transferase اللي إحنا لسه قايلينه حالا. وده بيشغل على serine يحوله ل glycine و methylene FH_4 و H_2O . وال reaction ده reversible.

دي الطريقة الرئيسية لبناء ال glycine.

بالإضافة نظريا ممكن يتعمل بال **glycine cleavage system** وإحنا سمعنا عنه قبل كده، اللي هو بيكسر ال glycine إلى 3 حثت؛ ال amino group لوحدها وتطلع ammonia، وال carboxyl group لوحدها وتطلع CO_2 ، واللي فاضل ال CH_2 دي لوحدها وتروح ل FH_4 تعمل methylene FH_4 ويبقى هنا ال α carbon هي اللي بتدني one carbon unit. ولما ال CH_2 تشبك في ال FH_4 هنشيل منه 2H على NAD. ال reaction ده المفروض إنه reversible إنما عمليا The balance is towards the breakdown of glycine rather than its synthesis. وهنشوف دليل على ذلك.

طيب الاحتمال التالت لبناء ال glycine: من ال **glyoxylate by transamination**. ال glyoxylate ده ممكن نجيبه من ال glycine نفسه، بإننا نعمله deamination؛ نشيل ال amino group ونحط بدالها O. وده بيتم عن طريق ال Glycine Oxidase. ال glycine oxidase ده بيعمل إيه؟ الأول يشيل 2H من ال glycine يتشالوا على FAD - اللي بيبقى FADH_2 ويدي ال 2H ل O_2 ويعمل H_2O_2 ويفضل NH ويبقى imino acid بدل ما كان amino acid "بدل ما كان aminoacetate بقي iminoacetate". وبعدين spontaneously بالمياه يدني ammonia وما يعادل ال α -keto acid اللي هو ال glyoxylate. ليه بقول ما يعادل؟ لأنه مش keto لأن ال O على الطرف فيبقى aldehyde. وال glyoxylate بال transamination ممكن أبني منه glycine. بس

بردو ده يعتبر minor source، ليه؟ لأن هو ال glyoxylic acid ده جاي منين؟؟ ماهو من ال glycine فمالوش معنى مش كده. بس هو في الواقع ممكن يجي من ال hydroxyproline بس دي حاجة minor.

*هل ال glyoxylate ده يعتبر semialdehyde؟

يعتبر semialdehyde لل oxalic acid..

طبيب ال glycine is **glucogenic**. إزاي؟ هل عن طريق ال deamination زي باقي ال aa.؟؟ لا ال glycine هو ال aa الوحيد اللي ال deamination بتاعه لا يطلع ketone bodies ولا glucose. أmaal أعمل منه glucose إزاي؟ إني أحوله إلى serine الأول بال serine hydroxymethyl transferase، فال enzyme ده مهم جدا لل serine metabolism ولل glycine metabolism.

ال glycine له أهمية خاصة في بعض البروتينات زي ال collagen وزي ال immunoglobulins وده لأن عنده the smallest R radicle اللي هي hydrogen وكأنها مش موجودة. وده ببساطة على إيه بقى بالنسبة لل collagen؟ إن ال 3 polypeptide chains يلفوا على بعض very tightly. ويخلي كمان ال immunoglobulins تحرك ال polypeptide chain بسهولة عند الحقة اللي بتمسك في ال antigen.

ال glycine catabolism زي ما قلنا من شوية بيبقى أساسا عن طريق ال glycine cleavage system. ولكن ممكن كمان بال glycine oxidase.

ال glycine كمان مهم عشان ال detoxification of benzoic acid and phenylacetic acid. ال glycine مع ال benzoic acid بيعمل إيه؟ Hippuric acid. ومع ال phenylacetic acid يعمل phenylaceturic acid.

إحنا قلنا إن ال glycine بال glycine oxidase يديني glyoxylate اللي ولا بيدي glucose ولا ketone bodies. أmaal يحصله إيه؟ ممكن يرجع يديني glycine بال glycine transaminase واللي بردو محتاج PLP. ده المصير الرئيسي لل glyoxylate. إنما له مصيرين تانيين أقل أهمية لكن ممكن يبقى لهم أهمية كبيرة تحت ظروف معينة: ممكن ال glyoxylate يحصله oxidation and decarboxylation ويديني Formate واللي بردو يعتبر one carbon unit وهيشبك في ال FH₄ ويعمل Formyl FH₄. ويبقى كده ال glycine is a source of the one carbon unit هنا أو عن طريق ال glycine cleavage system لما إداني methylene FH₄ واللاتين interconvertable وده احتمال جيد.

الاحتمال الثاني بقى وهو سيئ إن ال glyoxylate يتأكسد من غير ما يحصله decarboxylation ويديني oxalate وده مضر بالنسبة لي، ليه؟ لأنه أولا مالوش استعمال في جسمي فينزل في ال urine، ونزوله في ال urine ممكن يعمل مشكله، ليه بقى؟ لأنه بيعمل insoluble calcium oxalate واللي بيعمل envelope shape crystals in urine وكرمان stones in the urinary tract. والحصوة دي تسد المجرى البولي ويعمل في الآخر Renal Failure. الكلام ده يحصل إمتى؟ لو كان ال glycine transaminase اللي بيرجع ال glyoxylate ل glycine ناقص، فال glyoxalate يتجه لل minor pathways. وده بنسميه Primary Hyperoxaluria "مالوش علاج وبيموت في سن صغير". ليه بنسميه primary؟؟ لأن primary زمان كانت بتطلق على الحاجات اللي مش معروف لها سبب اكن إحنا دلوقتي نعرف السبب. وكان بيقابلها Secondary/Alimentary Hyperoxaluria واللي سببها oxalate كثير في ال diet زي السبانخ والفواكه اللي فيها بذرة واحدة زي المانجا بالذات والفرولة.

طبيب ال glycine cleavage system هو الأساس في ال catabolism of glycine -قلنا كمان نظريا ممكن بال glycine oxidase إنما ده minor لأنه لو زاد هيبقى مضر ويعمل oxalate كثير- والدليل على كده إن اللي عندهم نقص في ال glycine cleavage system يحصلهم Hyperglycinemia؛ زيادة ال glycine في الدم. لو كان ال glycine oxidase هو الأساس ماكانش حصل hyperglycinemia. وال hyperglycinemia تعمل إيه؟ Mental Retardation في الأطفال. طبعا خدوا بالكو إن أي defect in an enzyme يبقى منذ الولادة. ممكن تعمل كمان Epilepsy. تعرفوا يعني إيه؟ صرع. ليه؟ لأن صحيح ال glycine is an inhibitory neurotransmitter ولكن it's excitatory على ال higher centers of the brain. وعشان كده بيحصل convulsions في حالات ال hyperglycinemia.

فيه حاجة كمان اسمها **Glycinuria**، يعني glycine in urine. طبعا في حالات ال hyperglycinemia ممكن يحصل glycinuria إنما فيه نوع ثاني من ال glycinuria مافيهوش hyperglycinemia. وده سببه عيب في ال kidney؛ ال transporter بتاعه في ال kidney ناقص فينزل في ال urine. طبيب دي يا ترى ليها عيب؟ أيوه. إيه هو بقى؟ ال glycine ده جوه ال renal tubule بيتكسر ويتحول إلى oxalate ويعمل renal stones ودي حاجة بنسميها **Nephrocalcinosis** لأنه بيكون Calcium oxalate stones in the kidney. وال Nephrocalcinosis ده طبعا يعمل **renal failure**.

يبقى ال Renal Failure related to glycine metabolism سببه إيه؟ يا إما Nephrocalcinosis بتاع ال glycinuria، يا إما ال hyperoxaluria اللي بتحصل مع نقص ال glycine transaminase.

طبيب هل فيه أهمية أخرى لل glycine؟ أيوه، زي إيه؟

- ببساعد في عمل ال bile salts. قلنا زمان ال cholic acid (bile acid) بيشبك في حاجة من 2: Glycine (75%-80%) أو Taurine (20%-25%) اللي ببيجي من ال cysteine.
- ممكن نبني بيه serine زي ما قلنا من شوية بال serine hydroxymethyl transferase.
- ممكن نبني بيه heme وهناخد الكلام ده في ال heme metabolism؛ إن ال glycine مع ال succinyl co-A اللي ببيجي من ال citric acid cycle يعمل حاجة اسمها δ aminolevulinic acid (ALA) اللي بيتبني بيه بعد كده ال porphyrin ring.
- مهم لبناء ال Glutathione (γ-glutamyl cyteiny glycine) وعرفنا قبل كده إزاي نبني "في ال absorption of amino acids".
- مهم لبناء ال creatine اللي هو بيعمل creatine phosphate وبيخزن high energy bonds. أول خطوة في بناء ال creatine: reaction بين ال glycine وال arginine ويعمل حاجة اسمها guanidoacetate.
- مهم لبناء ال purines، ال glycine بيدي carbon نمرة 4 و 5 و 7 في ال purine ring. بالإضافة لو عملنا منه Formyl group (one carbon unit) يخش في carbon نمرة 2 و 8.

أخيرا ال glycine betaine مع إنه مش ببيجي من ال glycine إنما هو مهم لل methylation على أي حال.

وكده خلصنا ال glycine metabolism.

ننتقل إلى ال **methionine**..

ال methionine مالوش metabolism غير لما أعمله activation ويبقى S-adenosyl methionine (SAM) وأتخلص من ال methyl group بتاعته كأول خطوة في ال metabolism.

كيف يتم ذلك؟؟

خدوا بالكو إن إحنا لسه شايفين ال homocysteine بالضبط زي ال methionine ما عدا في إيه؟ -SH بدل . SCH₃

وبالتالي مالوش أي metabolism طبعا فيما عدا بناء البروتينات إلا بعد ما أحوله ل active methionine (SAM). هأعمل فيه إيه؟ هأشبك adenosine في ال sulfur بتاعه وعشان كده بنحط S في الأول. وال adenosine ده أجيبه منين؟؟ من ATP. ويتفضل إيه من ال ATP لما آخذ منه ال adenosine؟ كثير بتغلطوا وتقولوا فاضل ADP + Phosphate!! لكن لأ طبعا أنا لما آخذ adenosine هيتفضل 3 phosphates. طب إيه هو ال adenosine؟ by the way Adenine و ribose. لما ال adenosine يمسك في ال sulfur، ال bond بين ال S وال CH₃ بتبقى high energy bond. وال sulfur كده أصبح tetravalent بعد ما كان divalent فنحط +ve charge. وده بيحصل ب enzyme اسمه methionine adenosyl transferase. ليه بنسميه كده؟ لأنه بينقل adenosyl radicle من ال ATP إلى ال methionine وبيحتاج Glutathione ك stabilizer.

طب قلنا إيه اللي فاضل من ال ATP؟ 3 phosphates، 2 لوحدهم (Pyrophosphate) وواحدة لوحدها (inorganic phosphate). وطبعا زي ما قلنا زمان ال pyrophosphate دي بتتحلل بالمياه إلى 2 phosphates.

طيب عملنا ال SAM وبعدين؟ هنستعمله ك methyl donor. هيديني ال methyl بتاعته لمركبات مختلفة هنسميهم acceptors ويتحول إلى methylated product. مين هم؟ هنقولهم كمان شويه.

طب مين اللي هيقوم بالمهمة دي؟؟ Methyl transferase. هو ده اللي هينقل ال methyl group من SAM ويحوله إلى S-adenosyl homocysteine (SAH). طب وبعدين؟ نفك ال adenosyl منه ويتفضل homocysteine ب hydrolase enzyme. وبعدين ال homocysteine له سكة من 2: واحدة منهم قلناها خلاص اللي هي مع ال serine عشان يعمل cysteine و homoserine. السكة الثانية أرجعه methionine تاني. إزاي؟ أديله methyl group وأشبكها في ال sulfur بتاعه. أجيبها منين ال methyl group دي؟ ممكن أجيبها ب enzyme اسمه methionine synthase واللي بياخذها من methyl vitamin B₁₂ (cobalamine) ويتفضل vitamin B₁₂ (cobalamine) وال methyl تروح لل homocysteine تعملي methionine. طب وال vitamin B₁₂ يجيب methyl group منين؟؟ من ال methyl tetrahydrofolate (one carbon unit). وده أحد استعمالات ال one carbon unit. خدوا بالكو فيه استعمال تاني قلناه في السكة، إيه هو؟ إن ال formyl FH₄ تديني 2 & 8 carbon في ال purine ring. إيه تاني؟ إنه مع ال glycine يعمل serine. فال one carbon unit لها استعمالات كتير هتتجمع في الآخر إن شاء الله. طبعا فيه طريق تاني أحول بيه ال homocysteine ل methionine اللي هو بال glycine betaine.

إنز لو عندي نقص في ال vitamin B₁₂ أو methionine synthase أو folic acid أو ال enzyme اللي بيعمل methylene FH₄ أو يحوله إلى methyl FH₄ يحصل إيه؟ مايتحولش ال homocysteine back to methionine. في الحالة دي ال homocysteine يزيد وال methionine يقل.

فنقص أي حاجة من دول -اللي بيساعدوا على بناء ال methionine من ال homocysteine يؤدي إلى نقص في ال methionine وزيادة في ال homocysteine.

طيب إحنا قلنا هنا إن ال methyl group بتروح ل acceptor معين وتعمل methylated product، فما هي أمثلة هذا التفاعل؟؟

- Adrenaline ← Noradrenaline
- Choline ← Ethanolamine
- Creatine ← Guanidoacetate
- Anserine ← Carnosine
- Melatonin ← N-acetyl serotonin
- N-methyl nicotinamide ← Nicotinamide

طب لو عايزين نكمل ال methionine catabolism نكمل بسكة ال homoserine ولا ال cysteine وليه؟

خدوا بالكو لأن دي بردو مجال للخبطة. دلوقتي إحنا وصلنا إن في الآخر عملنا من ال methionine حاجتين: cysteine و homoserine. فهنكمل بال **homoserine** لأن ال carbon skeleton راح لل homoserine. أمال إيه اللي راح لل cysteine؟ ال sulfur بس.

طبعا يحصله إيه؟ خدنا الكلام ده زمان. بال **Homoserine Dehydratase** يشيل مياه ويتحول ل **α -iminobutyrate**. وبعدين **spontaneously** ياخذ مياه ويتحول ل **α -ketobutyrate** ويطلع ammonia. ده يعد كده بيحصله **oxidative decarboxylation** ويتكون **propionyl co-A** وقلنا إن ده محتاج 3 enzymes و 5 coenzymes؛ مين ال 5 دول؟ NAD و FAD و TPP و Co-ASH و lipoate. "وماننشاش إن ال **α -ketobutyrate** ده بييجي كمان من ال **threonine**". ويبقى كده ال **methionine is glucogenic**.

طيب يبقى اتفقنا إن ال **methionine is essential**. إزاي وأنا بعمله من ال **homocysteine**؟ لأن ال **homocysteine** مايجيش غير من ال **methionine**. يعني لو كان لل **homocysteine** أي مصدر آخر؛ ال **methionine** كان هيبقى **nonessential**.

ال **methionine** كمان بيعمل حاجة اسمها **polyamines** اللي هما **spermine** و **spermidine** ودول **polycationic**؛ مادام فيهم many amino groups وال amino group is cationic. مهمين جدا as growth factors in bacteria and in cell culture و They bind to DNA and stabilize it؛ ليه؟ لأن ال **DNA is polyanionic**. ده اللي عايزين نعرفه عن ال **polyamines**.

طيب..

إيه اللي يخلي ال **homocysteine** يزيد عندي؟

فيه احتمال من اتنين..

يا إما مش قادر أعمل methylation لل **homocysteine** وأحوله ل **methionine**. نتيجة نقص folic acid أو B₁₂ أو B₆ أو **methionine synthase** أو **Methylene Tetrahydrofolate Reductase (MTHFR)**. وفي الحالة دي ال **methionine** يقل وال **homocysteine** يزيد.

يا إما catabolism defect، نتيجة إيه؟ نقص B_6 أو Cystathionine Synthase، فال homocysteine هيزيد لأنه مش هيكمل ال catabolism.

مين يزود ال homocysteine أكثر؟ نقص ال methylation ولا ال catabolism؟؟ طبعا نقص التفسير هو الأساس. لو ال remethylation هو اللي ناقص؛ ده مايمنعش إن ال homocysteine يكمل تكسير. صحيح هيزيد عن العادي شوية. إنما لو التفسير مش موجود، لازم ال homocysteine يزداد markedly. آه شوية بيتحولوا ل methionine إنما بردو هيجصل **marked hypercysteinemia** و **homocystinuria** ودي ال **classic homocystinuria**.

ونكمل المرة الجاية إن شاء الله...